

КОШКОВ

ГЕНЕРАЛЪ

Свѣдѣн
немае



Геннадий Анатольевич Юшков чужліс 1932 вося март 14 лунё Сыктывдін районса Красная деревняын. Заводитіс гижны 1951 восянь. 1958 воын помаліс Москваын А. М. Горький нима Литературной институт. Комиён Г. Юшковлөн петавліс нин кык поэтической книжка. Гижысь лэдзліс сідзжө ассьыс кывбур чукöрсö Москваын, «Советский писатель» издательствоын. Г. Юшковлөн висътъяс, öти да уна акта пьесаяс комиён и рочён петавлісны торъя книгаясён и Сыктывкарын, и Москваын. Унакодъ гижöд сълөн сiöма и челядьлы. «Сьёлöм петас» — Г. Юшковлөн комиён лэдзöм коймöд кывбур чукöр. Татчö пырисны бөръя куим воён гижöм кывбуръяс, миян олом йылысь кывбура мөвпъяс. Гижысьыс быттöккö тшöтш и лыддьысьысьсö корö пырöдчыны оломас, пыдисянь мөвпыштлыны вöвлöмторъяс йылысь, «ставсö... босытны сьёлöм дiнас».

Минус

**ГЕННАДИЙ
КОШКОВ**

*Сөйлөһ
нетар*

КЫВБУРЬЯС

КОМИ КНИЖНОЙ ИЗДАТЕЛЬСТВО

СЫКТЫВКАР 1.9.6.7

С
Ю 96

Геннадий Анатольевич Юшков

ВСХОДЫ СЕРДЦА

СТИХОТВОРЕНИЯ

На коми языке

Художник С. А. Добряков

Редактор В. А. Попов Техн. редактор И. И. Оплеснин

Худож. редактор М. П. Безносков. Корректор М. М. Дейнега

Сдано в набор 11/II-1967 г. Подписано к печати 6/IV-1967 г.

Бумага печатная № 2. Формат 70×92¹/₃₂ печ. л. 2,34, бум. л. 1,0
(Уч.-изд. л. 1,43). Тираж 1000. Зак. № 993. Ц00807. Цена 11 коп.

Коми книжное издательство, г. Сыктывкар, Дом печати.

* * *

г. Сыктывкар, Республиканская типография Управления
по печати при Совете Министров Коми АССР

7-4-3

56. 67M

* * *

Медся кокни мортлы чужан муас:
Век нин гортас, мый кӧть сійӧс суас.
Но и медся сьӧкыд чужанінас:
Ставсӧ колӧ босьтны сьӧлӧм дінас.

ЛЕНИН

*1920-өд воын Москваö воліс ан-
глийскöй писател фантаст Гер-
берт Уэллс. Сійö аддзысьліс
Ленинкöд. Гортас муном бöрын
ижис книга „Россия пемыдын“.*

Киссьöм овмöс сувтіс надзöн,
Мый он думышт, ставыс коліс.
Ленин бура тайöс аддзис,
Сöмын водзын думнас оліс.

Быд ногыс көть вöлі дзескыд,
Сэтшöм югыд мөвпъяс дасьтіс.
Мый Уэллс эз весиг эскы,
Көть и лыддыссис фантастөн.

Кодыс прав, Уэллс-ö — сійö,
Лои төдса эз и дырөн.
Петіс пемыдысь Россия,
Коммунизмö öні пырö.

ЛЕНИН ДА МАМӨ

Ог аддзы тешкодъсö ме сатысь,
Мый найö отдонаосъ меным:
Öд мамö сьөлөмсö мен сетис,
А водзö мортөн вöчис Ленин.

* * *

Войт мында көть Ленин кодьөн лоны:
Не куш аслым видзны сьөлөм шоныд;
Олөм нопйос мудериттөг нуны;
Подулавтөг мортлы кыв не шуны;
Ышнясьöмысь биысь моз жö повны;
Веськыдлунтөг öти здук не овны;
Ыджыдавны некодлы не сетны;
Мөвпнам водзö талунъясьыс петны;
Босьтөм моглянь нырччыны да воны.
Войт мында көть Ленин кодьөн лоны!

РОЧЬЯС ЙЫЛЫСЬ

Некор, некор оз вунлы:
Менам эм воча чой;
Шуис роч сайё мунны,—
Мамыс муртса эз сёй.

«Кыдзи роч сайё лысьтö?
Эз мöй сюр кодкö мöд?»
Уна синва и кисьтис,
Уна лэдзис и сöt.

Сöмын эз вермы кутны
Ассьыс ичиньö кыв.
И со сэтсысянь шуда
Сылөн роч сайын ныв.

Ме ог став рочсö лыдды
Бурөн. Овлö и дур.
Но öд, шуны кö быттö,
Абу-й быд коми бур.

И ог ичиньöс дзескöд
Аслам серамөн ме.

Кык народ костын эскөм
Вөлі ляпкыд на сэк.

Они олөмыс мөд нин,
Абу татшөмыд шоч.
Кодлы окота төдны,
Сылы ог кут ме нөдны,—
Аслам гөтырөй роч.

КОМИ КЫВ

Коми кыв! Кольӧм нэмын на тэныд
Уна потшӧссиянь кравзісны пом.
А тэ сӧдзӧдчин, вояссӧ веніг,
Гора юралан, важсьыс на том.

Он на энотӧм ыб моз тэ эжмы.
И он кус, кызди лӧдсавтӧм би.
Коми йӧзлы тэ колан, кызд Эжва,
Кызди парма, кӧн рӧдмылім ми!

* * *

Ми — комияс!
Ми — парма шörса козьяс,
И некор огö куснясьлöй,
Кыдз росьяс.

Ми — комияс!
Ми — парма шörса юяс.
А юясыдлы
Сöstöмлун и туян.

Ми — комияс!
Ми — парма шörса чомьяс,
Век восьсаöсь бур мортлы:
Лок, эн доньясь.

Ми — комияс!
Ми — парма шörса вöрыс,
И öттшötш мелöсь,
И зумышöсь,
И скөрöсь!

* * *

Бара вой төв лымсö кöдзис.
Туйысь кежавны он лысьт.
А ті тöдад, кодi вöчис
Медводз öнiя кодь лызь?

Он кö — калькöдыштам вайö
Важ-важ олöмыслысь вон.
Аддзад, швучкö егыр сайö
Йöра бöрся коми зон!
Ыджыд йöра лымсö пызйö,
Сэсся пöрö, быттьö гы.
Сийöс вöтöдöны лызьяс,
Медбöр здукас — лэчыд шы.

...Тасянь дас нэм бура колис.
Позьö шуны: «Сöрöмтор!»
Но наука абу вольöс,
Он веж сийöс, кöсьян кор.

Сийö висьталö зэв стöча,
Кодi, кöни, мый да кысь.
И ме шуда, мый ми вöчим
Медводз öнiя кодь лызь.

КОММУНИЗМ

Коммунизм!
Ме думөн сэтчө волі.
Быттё дзоридз,
Воссьёма сэн морт.
Ышнясьём
Ни веглясьём,
Ни полём —
Нинём абу.
Дона тэ и колан.
Муса вок тэ,
Виччысяна ёрт.

Быдөн сәні
Меліунөн öзйö.
Тыртём синмөн
Видзöдысь оз сюр.
Сьöлөмнаныс
Озырöсь сэн йöзыс.
Ог нин шу,
Мый мукöдторнас бур.

Сьыланкыв моз
Мичаммö сэн лолыд,

Весиг аслыд
Кажитчан тэ выль.
Меным,
Тэныд,
Сылы —
Ставлы колө,
Сы вöсна и
Му вылас ми олам,
Медым регыд
Лои тайö збыль!

ТШӨТШЪЯСЛЫ

Ми куснясьлім, кыдз бадьяс на.
Кор вежим усьём батьясös.
И гөрлім ми, и ытшкылім,
И төдлім кочөг бытшкылөм.
Ми йиа ваын пуръясьлім
И сора няньөн нуръясьлім.
Став сьökыдлуныс мөрччыліс,
Но некор эгö бөрддзылөй.
Ми овлам öні зумышöсь,
Но лөкös огö думыштлөй.
Ми пуктам вын и кужанлун,
Мед оліс миян чужан му.
Ми öні — сылөн пыкөдьяс,
И кувтөдз лоам сыкөд ми.
Мед сійö шудсö төдлас-а,
А шудыс миян өтласа!

* * *

Аддзылід шахтаысь петом?
Сідзкө, ті эсканныд мен:
Петө шахтёр кодыр сэтысь,
Быттьөкө петкөдчө ен.

Юр йылас би сылөн öййө,
Бусысла бан бокыс лөз.
Синъясас горөдны көсйөм:
«Оланныд-выланныд, йөз!»

Сөмын мудз кияссө сылысь
Бовкнитлө ыркниталысь төв.
Казялан тайөс — и выльысь
Вежөртан: енмыд эз вөв.

Енмыдлөн кийс эз мудзлы.
Мый сійө лөсьөдіс тан?
Мортлөн жө быдлаө судзлө
Кийс, мед олөм эз ям.

* * *

Ыджыд айö пармаö и кулöма,
Кыдзи ачыс водзвыв коркö шулöма.
Верма пö да ветлыны пö колö на,—
Сизимдасöдз кык лун абу олöма.
Чужöм вылас абу пö и вежсьöма,
Сöмын баныс тошнас содтöд эжсьöма.

Ог ме вöрав, сьöкыд меным шунысö,
Кытчö смертиыс вермас менö сунысö.
Оти кывъяд сьöкыд сыкөд вонытö.
Но, кор локтас, удж вьылын жö лоны кöть,
Медым кувны виччысьтöг ни тöдлытöг:
Овнытö öд быдөн, чайта, пöтлытöм.

МАТРЕН ПӨЧӨ

Матрен пөчөлөн мугов чужомод
Кадыс агасон быттьо вуджомма.
Емтө пысалө — кыис вөрыштө,
Мыйкө висьталө — юрыс дзөрыштө.
Сөмын синьясыс сэтшөм томось на:
Тодас локтысьтө кывтыдпомысь на.
Да и сьөлөмыс биа-өдъя на:
Курас-карастө вөчө өдйө на.
Пиыс вылө на, овлө, видчывлө,
Тшөтш и моньыслы сысянь вичмывлө:
«Лыбис шондыс ниа кузя нин,
А ті, руньояс, век на узянный.
Абу яндзим мөй тадзсө нистыны?
Кор нө воланныд коммунизманыд?
Ми кө тадзи жө коркө нюжмасьлім,
Совет олөмыд эз и вужьясьлы.
Медым өні жө вөлі чеччөма,
Меным пожьясьны колө лэччывны».

СЬӨЛӨМ

Өти өдөн небыдика тiпкө,
Лөня вөчө олөм кутан мог.
Но, а шог кө — морөспаньө дiпкө,
Торйөн сэк, кор мөдлы көнкө шог.

Сэк оз вермы овны сийө чөла,
Бурөдны он вермы, мый коть доль.
Менам сьөлөм, быттьө тувсов йөла,
Воча кывтөг нинөмтор оз коль.

КЫМЫН ГЕРОЙ МИЯН!

Оз, кольём войнаыс оз вунлы!
Эз этшаён Комиысь мунны,
Но этша морт гортас бөр воис.
Геройён жö — кымынкö лоис.
А полысьён öмöй нö чужлим
И водзсасьны эг öмöй кужлöй?
Ми важысянь дорйим Россия
И некор эг лэптывлöй кияс.
И ковмис кор дорйыны бара,
Став пармаён кыпöдчим яра.
И кымынкö коли на луныс,—
А комиыд кызвыныс мунис.
И муртса на ньöжмöдліс поезд,
Вагонъяссиянь — веськыда бойö!
Öд комиыд быдён дзик кыйсис
И велöдтöг мичаа лыйсис.
Но вөрöг сэк вынаджык вöлі
И зырöдіс весьтас и пöлөн.
И сувтöдны сійöс сэк колі,
Кöть кыкысь мед петалас лолыд.
А лолыд öд быдөнлөн öти,
И петас кö — оз ло нин ньöти.

И комияс рочьяскөд радөн
Сэк водисны. Налы награда
Эз удитны гижны ни сетны,
И славаыс налы эз петлы:
Уль му улө накөд жө пырис.
А выль мунысь Комиысь бырис.
И найөс куш төдам ми, кодлысь
Сэк вермисны пасйыны подвиг.
Но сы вылө-й сьөлөмным миян,
Мед видзны сэн пармалысь пиян —
Дзик ставнысö казтывны-видзны,
Код дорйис сэк талунья мичлун,
Код воськовтіс биө, эз тірав,
Көть веськаліс медводдза нырас.

УСА ВОМӨН ПОС

И гожом шөрүн абу кос,
Век тырөн шлывгө джуджыд юыс.
Тан өні зымвидзө көрт пос,
А коркө поскыс вөлі пуысь.
Сэк вирөн тшөкъяліс страна,
А вөрөг кырныш этшөн радліс.
И кызди биалөмлы ва,
Сідз коліс из шом Ленинградлы.
Но босьтіс вөрөг сэт и тат,
И эз коль матын из шом сетысь.
Дзик өтнас вермис Воркута.
Но кызди петкөдан тэ сэтысь?
Од оз пыр ваад паровоз,
Оз вермы лыбөдчыны муысь.
А көрт оз лишав, ньөти оз.
И шуисны сэк көрт туй пос
Уса ю вомөн вөчны пуысь.
А коді вөчас? Вермысь йөз,
Көн муно бой, дзик ставөн сэнөсь.
А тані, зумышөсь, кызд лөс,
«Народлөн врагъяс» сөмын эмөсь.
Дерт, налы эскөмтө он видз:

Код төдас, кутшөм налөн думыс.
Зэв вермас лоны весиг сідз,
Мый первой поездыс и сунас.
Но мый көть ло, а колө пос.
Ю дорө лагерь чужи ыджыд.
И со нин сьөкыд паровоз,
Вагонъяс бөрсьыс кыскигмоз,
Пос кузя пырис, кыліг мыджөд.
И войтыр пос выласось со.
Начальник налы скөрысь шуис,
Мый поскыс варкмунас кө, то
Тшөтш найө усясны мед юас.
Но сылөн полөмыс эз ин:
Эз весиг ратшмун поскыс некыт.
И уна-уна жугыль син
Сөдз мича нюмөн тырліс сэки.
И төдіс көть, мый оз позь, оз,
Начальник нюмсермуні воча.
И коли сулавны пу пос
Сэн, кытчө керйыс подйис шоча.

* * *

Медым аскисьыс эз ков повны,—
Медводз тайӧс ӧд кӧсйӧ морт.
Онi позьӧ нин сиктад овны,
Содтӧд — сэтӧн кӧ тэнад горт.

Мыйла кытчӧкӧ мунны ылӧ,
Уджсьыд воӧ кӧ? Эн и доль!
Эськӧ тадз. Но вот бара кылӧ,
Эз пӧ некод нин томыс коль.

Таысь шуштӧмыс мыйкӧ эм-ӧ?
Он ӧд мунысьтӧ шор моз пом.
Рытнас гудӧк сэн ворслис нэмыс,
Онi кывлан, а то и он.

Кӧсьям чӧскыда сӧйны-юны.
Оз кӧ сиктыд сет — сэсся кысь?!
Но мед пышйысьӧн зонмӧс шуны,
Коді мунӧ сэсь, ме ог лысьт.

Оз ӧд лывкъявны — сэтшӧминӧ
Вӧрзьӧ, кытӧнi тожӧ удж.
Сідзкӧ, сьӧлӧмыс эз на инась,
Кӧть эз тшыгӧма восӧ вудж.

Пыдди пуктыны зонсö колö,
А не пинявны: «тыр» да «быр».
Пötис сьлөн мед тшötш и лолыс,
Со мый колö öд. Пырысь-пыр!

Сэссия дугдыны колö сөрны,
Сöмын уджын мый мортлөн шуд.
Мортыд чужö оз сöмын гөрны,—
Сылы этша нин татшöм пуд.

Тшötш и серавны чужö, сьывны,
Панны мустöмкөд чорыд вен.
Чужö сьölöмнас ставсö кывны,
Ставсö вежörtны, көн мый эм.

Асьным воясөн тайöс пестим,
И бөр кусödөм, дерт, оз ло.
Сидзкö, медем и сиктъяс весьтти
Лэбас кыпыдлун воысь-во.

* * *

Ме аддзылі, кызд бөрдис коркө вөв:
Дзик мян моз жө синва сылөн петіс.
Эз ымзы сөмын, куйліс коньөр чөв.
А чизыр төлыс бурысьсө пыр летіс.

Эз вермы некызд вөрзбөдны кер додь,
И ямщикыс эз жалит сэки сійөс.
И водіс, кувны лөсьөдчөма кодь,
Делянка шөрө: колөкө пө виій.

О, морт! О, мыйда овлө тэнад лөк,
Кор сөмын асьтө олөмас тэ төдан!
...А меным век на овлө таысь шог
И век на вөвсө аддывывла вөтөн.

ЧУЖАН СИКТЫН

Чужан сиктын понъяс менö увтöны,
Мукöд понйыс пурны весиг дась.
А öд коркö кок йылö тан сувтi ме,
Велöдчыны карö кайи тась.

Тан ме ворслi, трактор доддын гурьясьлi,
Видзлi мöс, көн юыс вöчö кöдж.
Качай вылö эсийö кузь сюрьясö
Сувтöдiм кор, кодйыси ме тшöтш.

Ме ог кöсийы олöм вылö элясьны,
Кутшöмакö шудсö тöдлi нин.
Сöмын завидьта ме сиктса челядьлы,
Мый ог тöд ни öти вöвлысь ним.

Окота мен коркöя моз косаён
Тöдмавны бур мудзöмыслысь кöр.
Окота мен дас нель арö косавны,
Чужан сиктын асөн лоны бöр!

ТРАКТОР ШЫ

Мыйён сиктө пырас асыв,
Кылас гора трактор шы,
Вынён кучкас өшинь тасө,
Быттьө аслыспөлөс гы.

Сэсса помыс оз и волы —
Лунтыр кылас «мур» да «мур»,
Быдөн дөзмытөдзид лолө,
Некысь лөньджыкин оз сюр.

Но ме мукөд моз ог скөрмы,—
Мед нө гөрө, содтө өд!
Зато бабаяс оз гөрны,
Оз кыв налөн мать да сөт.

* * *

Чурвидзö тыасьöм кер!
Кодкö öд пöрöдліс сійöс,
Кодлөнкö увйыліс чер,
Гашкö, и гаддьюсьліс кийс?!

Орччөн со чурвидзö мөд,
Быттьöкö абу и колан.
Ме ог тöд,
Кодлы ми тадзсö олам!

КУРАТОВЛЫ

Менам ичӧт муза
Абу жӧ ӧд вуза.
Олӧмсӧ кыз кыла,
Сидзикӧн и сьыла.

И ог соссьы: лэпта,
Омӧльторсӧ дзебтӧг.
Олӧмыслӧн шоныд —
Гижӧмысь мен доныс.

КОДИ ÖНI ТЫРТÖ ВИТÖД ДАС

Коді öнi тыртö витöд дас,
Волхов сайысь тöдö нюр и рас.
Локтiс сэтчö гожся войö,
Кызь арöсөн петiс бойö,—
Коді öнi тыртö витöд дас.

Коді öнi тыртö витöд дас,
Сьөлөм весьтас новлö пуля пас.
Волiс смертъыс кöть зэв матö,
Эз лэдз врагöс Ленинградö,—
Коді öнi тыртö витöд дас.

Коді öнi тыртö витöд дас,
Талялiс фашизмлысь ёрöм тас.
Пырис вермысьөн Берлинö,
Сöмын сэки воис инö,—
Коді öнi тыртö витöд дас.

Коді öнi тыртö витöд дас,
Мувывса став войтырыслы ас.
Ывла уджсьыс мугов рöма,
Сöмын юрыс пужъялöма,—
Коді öнi тыртö витöд дас.

* * *

Быдмө тундраын гөна юр —
Еджыд юрсиа сөстөм дзоридз.
Сыысь повтөмыд мөд оз сюр:
Медводз пискөдчө саридз дорөдз.

Швичкө вой төв ли шливгө зэр,
Некор юрсө оз лэдзлы улө.
Арся пужйөн нин кынтөм эрд
Зильө ловзьөдны... Сидзи-й кулө.

Сувтсөн, никмунтөг сетө лов,
Сьökыд олөмсө ассьыс ёртөг.
...Сы моз матө на ме ог ов,
Көть и важөн нин пукся мортө.

* * *

Каравомын чусмунлөны бияс,
Ёма-тöлыс быттё найёс ёрö.
Гожём шөр, а керка судта йияс
Сибöдчöны, гирскиг, берег дорö.

Отка мачта кöнкö йияс пöвстас:
Вошлас нин да петкöдчылас бара.
Кызд кöть морттö олöмыс оз пöвсав,
Уджалö век важсö важсьыс яра.

И оз падмöд кынмалём ни ноксьём,
Сöмын эськö шедöдны мед вермём.
Та вöсна жö-й черитöг оз локсьы
Карасалён, содтöд на кöть зэрмö.

Овмöдчёмны татчö тундра нырдас,
Он и тöдлы кöни — бара ар нин.
Зато ставсьыс мойвилас сідз, тыртлас:
Шедас лыдтём эзысь кыша зарни.

* * *

Көр видзысь войбыд оз инась:
Водлас да чеччылас бөр.
Сэтшөма висьмөма пиньыс —
Матькө и муртса оз бөрд.

Сяммас кө, нетшыштас ачыс,
Клеши нин босьтліс, да — эз...
Ме жө пө велөдлі врачос!
...Ми сылы вайим отрез:

Бур уджсьыс премия вайим,
Вурас мед пинджак ли гач.
...Мый көсий висьтавны тайон?
Йөзсө мый радейтлам тадэ!

* * *

Лөсьыд жö нин шойччынытö Крымад:
Мый дыра оз кымöртчыв ни гымав.
Куйлан шоньд изъяс вылын, кылан,
Быттö ставнас ньöжйöникöн сылан.
Унмовсьöдö море сяльгöм шынас,
Малалыштö коктö дэбыд гынас.
Нинöм вöчан чöскыд мудзöн тыран,
Дышöдас да — уялыштны пыран.
Сэтшöм кокни — некытi оз доймы.
Эн на тшыгъяв — корöны нин сёйны.
Майбыр, олöм! Ставсö көть сэн вунöд,
Весиг — локтiн татчö кутшöм лунö.
Но он, вөлöм, мөвпъяссьыд тай дзебсьы,
Чужан сиктад öти здукöн лэбзян.
Кымынөн сэн висьысь пöрысь аньыс,
Кодьяслы эз вичмыв олöм шаньыс!
Шогыс налы быттö лолi ныма.
...Найöс эськö мөдöдлыны Крымад!

* * *

Код төдас кодi, пöрысь-ö том,
Ректöма кодкö кыйсьысьлысь чом,
Гор пыткас сöмын кольöма шом.

Томан ни иган сэтöн эз вöв,
Быдöнлы осьса — гожöм кöть төв:
Косьтысь да пусы, узьмöдчы чöв.

Татшöмтö парма уна оз төд:
Оти мед пунктiс, сöтыштiс мöд.
Этшаöн, кодлөн лов сайыс сьöд.

Няйтöсьтны тавысь йöзсö ог кут:
Меддона налы ёртасян шуд.
Кодлыкö сöмын — аслас пеж куд.

Кыйсьысьыд — кыйсьысь, пикö оз во,
Ышловзяс зэв нин, гарыштас: «Но?!»
Эскöмыс мортлы — вот мый оз ло.

Сы пыдди лоö сьёлöмас гыж.
Тасянь и колö артавны мыж,
Кутшöмöс вöчис пармаын шыш.

* * *

Воркутаысь төда өти мортос.
Некор на эз ветлы сійо гортас.
Абу сьомтөм — сьөмыд сылөн уна.
Зептас паспорт — кытчө көть мед мунас.
Сійо ветлө Крымö и Кавказö.
Сөмын гортас туйыс быттьö таса.
Окота көть, ньötчыд на эз волы,
Сиктса югыд сынöднас эз лолышт.
Война каднас вөлөм полицейöн,
Уна мортлы курыд шогсö вайöм.
Таысь дас во пукавны нин эштис,
Сөмын мыжсьыс кувтöдзыс оз вештысь.
Кутшөм синмөн эськө сиктас пырас?
Первой мортыс сетас эськө нырас!
Вот и сэтөн петкөдчывны полö,
Воркутаын сюзь моз öнi олö.

* * *

О, мыйда мичыс вадор биад,
Көть коді пестöма рытсёр!
Од, он и төдлы, кыкнан киад
Кос лөп нин кутан, локтан кор.

А сэсся нопсыд перъян-вөзъян,
Мый эмыс,— он куш нянь да сов.
И войбыд юасян, мый көсъян,
И ачyd висьтасян, он пов.

КӦСӢӦМ

Дзик быдӧн кӧсӢӧ мыйкӧ век.
И менам кӧсӢӧмӧй зэв уна.
Но ставсьыс медводз кӧсья ме,
Мед некод ме пыдди эз думайт.

ЕН ЙЫЛЫСЬ

Эм эскысь йӧз. И налы колӧ,
Мед вӧлі ен. Мед колӧ-к сідз.
Мед мӧдар югыдас сэн олӧ:
Но медым татӧн — енмӧй видз!
Ми енсӧ лӧсьӧдлім нин татчӧ
И кевмим сылы уна во.
А бӧрас сэтшӧмтор ми аддзим,—
Оз, мӧдысь йӧйталӧм оз ло.

* * *

Сэтшөма тэ менө талун скөрмөдін,
Быттьо водзвыв вөчин аслыд горт.
Олөмыс оз тэнө сөмын йөрмөдлы,—
Мыйла шуны, мый тэ ичөт морт?!

Тэ ичөт да ме ичөт... А кодкө мед
Ыджыдалас помся: ме пө-й эм?
Отсалас мөй тэнад гуся тоткөмыд,
Кодыр колө панны чорыд вен?

А тэ венсьыс пөсь шыдысь моз пөлясян,
Санөдлывлөм кычыись на рам.
Тэ кодьясыс сеталөны вөлясө
Йөзсьыс вылө пуксьысьяслы тан.

Пырөма нин тэө повны колөмыс:
Лэптивны он лысьтлы вылө юр.
Кодлы колө тэнад татшөм олөмыд?
Кув и эм! И шойыд мед оз сюр!

* * *

Кыдз колө кусөдчигөн тэрмасьны,
Сідз колө наяндыкөд вермасьны.
А ми и ланьтлывлам, и небзьывлам,
И весиг ош моз вешъям-дзедьсьывлам.
А ошто векджык гусьыс кыйёны:
Сэсь вөрзьөдасны, сэсья лыйёны.

АС ЙЫЛЫСЬ

Эг көть сямтөм чуж ни полысь,
Ыджыд, мортö эг и волю.
А өд нырччи кө да зіли,
Чайта, кыпти эськө збыльысь,
Кокниа министрöдз вои...
А ме коми гижысь лои.
И ог төд, көть тілься-ола,
Мый дон сувті, зэв-ө колан.
Отитор и ышöдлывлö:
Гашкө, коркө «аттьö» кывла.

* * *

Песом кучикон эжом ёсь пуртос
Пызан йортодын век менам эм.
Ыджыд айолон ош кыян пуртыс
Сэни колляло ассъыс кузь нэм.

Лэчыл дорыша, бан-яйтөм, мича,
Босът да бритчы коть — быдмө тай тош...
И ог ошйысь, а синмөс моз видза,
Медым некор эз саймовтчы, вош.

Ньобысь петалис, гашкө, и дас морт,
Но эг вузав — эг та вылө чуж.
Сийө колө мен, кызди мод паспорт,
Мый ме коми, мый эм менам вуж.

* * *

Коркө лөсьода пон, коми пон:
Гаров бөжа да суетса ёсь пеля.
Сета, ковмас кө, дас пөвста дон:
Водзвыв төда, мый бөрас ог элясь.

Сыысь инаыд некысь оз сюр,
Сійёс нинём оз падмөд ни повзьөд.
Сылы — мед сөмын вөлін тэ бур,
Сэсся кызди көть тэ дорын овсьө.

Сылы малалөм-ошкөм оз ков,
Весиг пель сайсө гыжйыштөм веськодь.
Сылөн сьөлөмтө бурөдысь лов:
Шонді югөр кодь шоньд да веськыд.

Ме ог шу, мый оз ло матыс морт,
Коля өтнам важ сапөг моз пөла.
Но мен ковмас и колө нин ёрт,
Кодкөд позис мед мөвпавны чөла.

* * *

Ми шудаёсь, но югыд шудыс тайё
Эз ачыс усь, эм уналён сэн пайыс.
Иван Куратов пемыдас на сьыліс,
Мый аддзё нин, кыз рёммё вёртас йылыс.
Ми сетчим водзё. Каликова Домна
Сэк юрсё пунктис, мичаник и том на.
И Виктор Савин сиктысь сиктё ветліс
Да медся тшыгём воас сьёлём сетліс.
А ковмис вөр, өд стрөйтчис странаным,
И тырыс козьналіс Антон Карманов.
Война. Фашизм мед шуднымос оз помав,
Танк улө водіс Михаил Шуктомов.
И өні ми ог кык ки вежынь олөй:
Ми некытчө на дась вылас эг волөй.

* * *

Мед йёзыс төдлісны и менө
Да дыр на казытылісны мед,
Ар дас квайтөн нин керка стенө
Есь пуртөн кырымасьлі ме.

Дерт, тавьсь видлісны, кыз колө,
Но ме эг шогсьы, ньөти эг.
А өні шуштөм быдөн лолө:
Ок, кутшөм йөй на вөлөм сэк!

* * *

Ичөт дырйи Эжватө
Эг жө кольлы гежмавтөг.
Визулыс көн гартчылө,
Весиг сәті варччылі.
Гатшөн шөрас куйывлі,
Бона увті уйывлі.
А вот өні полышта,
Ваас пыртөдз лолышта:
«Бөрсө эськө вои мед».
Гашкө, сюсьджык лои ме?
Төдөмысь.
Но, буракө,
Пөрысьми тшөтш буракодь.
Сьөлөмөн!
Од, ышта кө,
Эжва ютө пыжтөг на
Вуджала.
Вот аддзылад,
Гожөмнас кыз варччыла.

* * *

Вл. Попсвалы

Эн дөзмы сәсь, мый венө волам
Да өта-мөдлы вөчлам дой.
Ми, сідзкө, збыльысь олөм олам,
А огө сөйө лун да вой.

ОРТ

Му вылын уна олө морт.
И дзик пө быдөнлөн эм орт.
Он аддзы пө, но вой и лун
Пыр орччөн, некытчө оз мун.
Мед тадзи. Менам тшөтш мед эм.
Но бурсө эз на вөчлы мем.
И веськодь, эм-ө менам орт.
А коді колө?
Колө ёрт!

* * *

Ылі туйö петöмаöсь юсьяс,
Некытчö оз кежавлыны здук.
Вой тöлыс кöть кутшöма оз усьлась,
Налысь мича кельöбсö оз дзуг.
Саридз дорöдз сьöлöмныс оз такав,
Лэбöны и лэбöны — он кут.
Юсьясыд öд абу катша-рака,
Куйöд мылькыйд абу налы шуд.

* * *

Чужö мортыд кöть кытөн,
Оз на кыйсьы тай быдөн.
Сэтчö юр жö öд колö,
Да и эн тöд мед полём.
Вот и кыйсьöны найö,
Коді, ветлас да, вайö.
Кодлы нинём оз шедлы,
Сійö вöрад оз ветлы.

* * *

Лэччысь шонді югөръясысь гөрд биа
Вөр пу йылыс, сьылөм кылө кысь.
Вичкоо моз пыра тайо вөр діас,
Кызөктыны весигтө ог лысьт.

Оз зэв вичмыв татшөм югыд чөвлөмыд,
Син куньөмтө ассьыд кылан кор.
Восьлалан, и нянь моз ловзьо сьөлөмыд,
Дөрөм юрйыв кизьыд чуть оз ор.

Сэсся сирөн кольмытөдзыд өвтыштас
Төв руыс сэн, понольсьыс көн куш.
Лигышмунлан... Лолыштан да мөвпыштан,
Мый тэ морт, мый лёк вөчны эн чуж.

АРСЯ ЯГЫН

СЕРПАС

Кос гулыд яг. Кув-чунган шыа.
Зэв тшөтшамөс — ни выв, ни ув.
И, быттьө чирйыссьөма кыа,
Яг пасьта öзйö воом пув.

Ми тэрмасьömөн öктам дозйö
Да сёям — он öд пувсьыд пот.
А матын вотчö пöрысь дозмөр
И видö пайкöмысь: «Кот-кот!»

МӨСЪЯС

СЕРПАС

Жыннан шыыс торкис
Рытъя сиктлысь чöv:
Эжва дорысь мөсъяс
Катөдöны йöv.

Неыджыд и кырйыс,—
Кайöны нин час.
Сулыштасны... Сэсся
Бара воськов дас.

Видзысьыс оз ыршась,
Лёк кывйöн оз вид:
Абу öд зэв кокни
Катны сюрс-мөд литр.

МАМӨЛЫ СЫЛӨМ

Быдтін менө, велөдін,
Мортө медым вои.
Эг и төдлы — чукырөсь
Чужөмбаныд лои.

Ачым нин ме быдтыся,
Асшөр олөм ола.
Тэныд быттьө ичөт на,
Ме вөсна век полан.

Енэжын со өти эм,
Менам тэ — мөд шонді.
Аслад өдъя сьөлөмнад
Пыр на менө шонтін.

Нинөм менсьым муслунөс
Тэ дінө оз ямөд.
Эн на висьмы, дыр на ов,
Менам пөрысь мамө!

ЫВЛА ВЫЛЫН ТУРӨБ

СЫЛАНКЫВ

Ывла вылын турөб
Лымйөн бара дурө,
Ывла вылыс быттьө гудыр ва.
Сөмын меным долыд,
Ыджыда ог лолышт,
Сы вöсна мый гижин: «Радейта».

Сьод вөр шөрас тани
Стройка выльöс паним,
Өни некор волыны ог мын.
Чайта, гөгөрвоан,
Инаөн мен лоан,
Тэ динө өд абу жö ме кын.

Өнисянь кө ладмам,
Мөдысь огө падмөй,
Олөмыслысь вуджам яг и нюр.
Весьшөрө тэ полан,
Сьөлөмын тэ олан,
Тэнö сэтысь вөтлысьыс оз сюр.

Ывла вылын турб
Лымйөн бара дурё,
Ывла вылыс быттё гудыр ва.
Сөмын меным долыд,
Ыдждада ог лолышт,
Сы вöсна мый гижин: «Радейта».

КӨР ВИДЗЫСЬЛӨН СЫЛАНКЫВ

Еджыд лым,
Еджыд лым
Шебралёма мусö.
Сьөлөм пым,
Сьөлөм пым:
Мусаёйлы муса.

Войöd сэтчö, тэрыб көр,
Шондйыс көн петö.
Асья кыа — сьөлөмшөр
Олö менам сэтөн.

Мылык да сён,
Мылык да сён,
Паськыд ласта волö.
Абу зон,
Абу зон,
Одйöысь код полö.

Войöd сэтчö, тэрыб көр,
Мусюрыс көн петö.
Югыд лунöй — сьөлөмшөр
Олö менам сэтөн.

Байдөг, лэб,
Байдөг, лэб,
Олөмыд кө дона.
Талун ме,
Талун ме
Тәрмәся зэв ёна.

Войöd сэтчө, тэрыб көр,
Чумысь тшын көн петө.
Рыгтя кыа — сьөлөмшөр
Олө менам сэтөн.

МИЧА ИЖЕМКА

Көдзыд войвылын
Көръяс войлөны.
Лымйыс гожомөдз
Сэн оз сыв.
Көдзыд войвылын
Сьөлөм доймылө.
Таысь мыжаыс
Оти ныв.

Мича ижемка,
Эн вөв мыжа кө,
Лысьті шуны мөй
Татшөмтор?
Мича ижемка,
Эн вөв мыжа кө,
Эськө вөлі мөй
Татшөм нор?

Тэнад синъясысь
Зарни киньясыс
Менсьым сотісны
Сьөлөм шөр.
Тэнад синъясысь

Зарни киньясыс
Менö кыскöны
Татчö бөр.

Мича ижемка,
Эськö гижас кö
Тэныд кысянькö
Оти зон,—

Мича ижемка,
Эськö гижас кö,
Сылы вочакыв
Сетан он?

Шогö усьлытöм,
Биа-куслытöм,—
Тэкöд вунöдлан
Ар и төв.
Шогö усьлытöм,
Биа-куслытöм,—
Меным татшöм и
Колö пöv.

Мича ижемка,
Эськö йиджас кö
Тэныд муслунöй,—
Лоö бур;
Мича ижемка,
Эськö йиджас кö,—
Меысь шудаыс
Сэк оз сюр!

ВИСЬТАВ, СЬӨЛӨМӨЙ

СЫЛАНКЫВ

Кывтө төлысь кымөр пөлөнөд,
Кышакылө пулөн кор.
Мый нө тэкөд лои, сьөлөмөй?
Мыйла талун сэтшөм нор?

Некор синва эг на кисьтлы ме,
Бурөс вөтасьлі быд вой.
Эн-ө, сьөлөмөй, тэ висьмы нин?
Мыйла кылышта ме дой?

Оз на шудөй менам чусаммы:
Морөс тырөн ветлө лов.
Эз-ө кодкө тэныд мусаммы?
Висьтав, сьөлөмөй, эн пов!

АБУ ЭТША, АБУ УНА

СЬЫЛАНКЫВ

Тайӧ кадыс ӧмӧй вунас,
Коді медся-медся яр?
Абу этша, абу уна —
Буретш дас кӧкъямыс ар.

Кыдзи быдми да кыз ола,
Висьталасны сиктса йӧз.
Ӧтиторйысь сӧмын пола:
Ог мед уськӧд ачымӧс.

Овны восьсӧн ме ог дугды,
Лоа веськыдӧн — и пом.
Мортӧс улӧджык ог пукты,
Но и аслым тӧда дон.

Муслунысь тшӧтш шудыд петӧ,
Кыззи вӧрысь визув ёль.
Коді сьӧлӧмсӧ мен сетас,—
Ог жӧ водзӧсаӧн коль.

* * *

Сэк өткодъ мортлөн вөт и вемөс,
Сэк асьсө нинөмысь оз ёр,
Кор сійө абу кывтөм пемөс
И мыжтөг абу мыжа кор.

* * *

Вывті сьökыд овны веськыда:
Сөмын асьтө быд ног дзескөдан.
Но ог куж ме ньöти суклясьны
И оз лэпты сьөлөм нюглясьны.
Аслым мукөд дырйи шула ме:
Эськө мортөн жө мед кула ме.

* * *

Шогла кор сьөлөмтө вугрөдлө,
Вермась, зэвт медбөрья вын.
Сетчан кö, олөмыс пугрөдлас,
Төв кызди пугрөдлө тшын.

* . * *

Быдөнös дзик шудыд сулö,
Но оз быдөн сы дон сулав.
Вöчны-ыштыны кор колö,
Мукöдыс сэк ланьтö-полö.
Сэсся нэмсö тадзи олö.

* * *

Олöмыд — олöм на! Сэтөн эм
Уджлөн кодь панас и пом:
Чужан да — ним тэныд сетöны,
Кулан да — дон.

* * *

Асьтö «гашкöөн» эн такöд:
Мövпыд вермасьтөг оз ин.
Медым воны гулыд ягö,
Ковлö вуджны кадъяин.

* * *

И гаг оз шеддчывлы. Сидз од?
Од тшотш и сылөн дона юр.
Но кодыр морт куш асьсö видзö,
То мыйён гагсьыс сийö бур?

* * *

Ме пö медбур видзанторйис,—
Асьсö кöза яра дорйис.—
Ме пö тошка, ме пö сюра,
Но а йöлыд ньöбны сюрас.


КЕРКА ВИДЗЫСЬ ПОНЛЫ

Ме ылын на, а тэ нин сувтан
Да нюжмасьыштан, быттьö мудз,
А сэсся нюркийдлёмён увтан,
Мый, чептыд дженьыд да, он судз.
Зэв пыдди пукта тэнсьыд могтö:
Лёк мортысь видзны керкапом.
Но ме кö бурён сэтчö локта,
Тэ верман гөгөрвоны он?

ЮРИНДАЛЫСЬ

«Медся кокни мортлы чужан муас»	3
Ленин	4
Ленин да мамö	5
«Войт мында көть Ленин кодьöн лоны»	5
Рочьяс йылысь	6
Коми кыв	8
«Ми — комияс»	9
«Бара вой төв лымсö көдзис»	10
Коммунизм	11
Тшöтшъяяслы	13
«Аддзылід шахтаысь петöм?»	14
«Ыджыд айö пармаö и кулöма»	15
Матрен пöчö	16
Сьөлöм	17
Кымын герой миян?	18
Уса вомöн пос	20
«Медым аскисьыс эз ков повны»	22
«Ме аддзылі, кызд бöрдис коркö вöв»	24
Чужан сиктын	25
Трактор шы	26
«Чурвидзö тыасьöм кер»	27
Куратовлы	28
Коді öні тыртö витöд дас	29
«Быдмö тундраын гöна юр»	30
«Каравомын чусмунлöны бияс»	31
«Көр видзысь войбыд оз инась»	32
«Лöсьыд жö нин шойччынытö Крымад»	33
«Код төдас коді, пöрысь-ö том»	34

«Воркутаысь тōда ōти мортōс»	35
«О мыйда мичыс вадор биад»	36
Кōсийōм	37
Ен йылысь	37
«Сэтшōма тэ менō талун скōрмōдін»	38
«Кыз колō кусōдчигōн тэрмасьны»	39
Ас йылысь	40
«Песōм кучикōн эжōм ёсь пуртōс»	41
«Коркō лōсьōда пон, коми пон»	42
«Ми шудаōсь, но югыд шудыс тайō»	43
«Мед йōзыс тōдлісны и менō»	44
«Ичōт дырйи Эжватō»	45
«Эн дōзмы сесь, мый венō волам»	46
Орт	46
«Ылі туйō петōмаōсь юсьяс»	47
«Чужō мортыд кōть кытōн»	47
«Лэччысь шондī югōръясысь гōрд биа»	48
Арся ягын	49
Мōсьяс	50
Мамōлы сьылōм	51
Ывла вылын турōб	52
Кōр видзысьлōн сьыланкыв	54
Мича ижемка	56
Висьтав, сьōлōмōй	58
Абу этша, абу уна	59
«Сэк ōткодь мортлōн вōт и вемōс»	60
«Вывтī сьōкыд овны веськыда»	60
«Шогла кор сьōлōмтō вугрōдлō»	60
«Быдōнōс дзик шудыд сулō»	61
«Олōмыд — олōм на! Сэтōн эм»	61
«Асьтō «гашкōн» эн такōд»	61
«И гаг оз шедōдчывлы. Сідз ōд?»	62
«Ме пō медбур видзантирйис»	62
Керка видзысь понлы	62



11 көп.